

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第八十六輯
沈雲龍主編

文學社武昌首義紀實

章裕昆著

文藻出版社
有限公司
印行

文學社武昌首義紀念

弁言

辛亥革命，武昌起義，旬日間各省紛紛響應，清社以屋，固由積年革命諸君子倡導於前，然其於戒備森嚴之際，竟能一舉而光復故物者，文學社實居有力之主動焉。關於文學社之革命活動，世人雖間有載述，弗能詳也。裕昆始終於文學社，懼事跡之湮沒，爰就身所經，目所見，耳所聞，彙輯成篇。猶恐有遺漏也，稿初成，分寄曠昔在事諸同志，誤者正之，闕者補之，略者詳之，郵遞往還，閱時一載餘而事始集。蓋各同志咸以當日之艱難締造，多所犧牲，始克有獲者，未可任其久淪，競願供給資料，襄助斯舉，懷人鑑古，具有同心。裕昆所記，胥本事實，雖傷蕪雜，頗存文獻，後之覽者，藉以觀本社嚴密之組織，百折不撓之毅力，與夫諸先烈堅忍奮鬥之精神，益恍然於辛亥革命之克成功者，非一朝一夕、一手一足之所能奏效也。修近代史者庶可於茲獲一考證之資焉。

一九三六年十二月寧鄉章裕昆識於南京

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



墓碑，查光佛之武漢陽秋，譚人鳳之牌詞，周海珊之梁瀛洲先生革命紀等，間亦採納。

一、當日文學社諸同志佔湖北全軍十之七八，本書所記者無幾。除當日負責同志尙能記憶外，其餘因名冊被清湖廣總督瑞澂搜去，無從稽考。起義後，又分散各地，廿餘年來，均失聯絡；且多數死亡，難於調查，故遺漏至多，深引爲憾。至所記事實，或仍不免小有出入，尤望閱者諸公，隨時函示，以備再版修正。

一、本書除蒙前列諸公補充材料並更正錯誤外，又蒙歐陽瑞驊先生、譚啓韶先生、譚肖崖先生修飾潤色，江天先生多次謄寫，始得付梓，著者深致謝忱。

一、本書用干支紀年，月日亦從陰曆，但一律註明公元年月日，以便對照。

凡例

- 一、本書專記文學社當年正確事實，不涉及其他團體。
- 一、本書從湖北科學補習所創辦起，至文學社歸併同盟會止。
- 一、本書所取材料，首由著者擬具初稿，油印成篇，分諸當日在事同志，審查補訂。前三十標代表張鵬程先生、前三十二標代表單道康先生、前四十一標代表廖湘芸先生、前四十四標代表李慕堯先生及何海鳴先生、李翊東先生、李亞東先生、黃小池先生、張奇烈先生、李六如先生、鄒永成先生、劉毅夫先生爲之分別簽註，張難先先生、楊熙績先生、潘康時先生、朱澄宇先生函示更正；劉熙卿先生、歐陽端麟先生、溫楚珩先生、聶國青先生、梁鍾漢先生予以材料上之補充。至若吳醒漢之乙巳俱樂部雙十特刊，龔霞初之武昌兩日記，王守愚之十二年回憶遺稿，王讚承之四十二標革命史稿，鄒永成之湖南光復記，胡石菴之湖北革命實見記，蔡寄鷗之四十年來聞見錄，張難先之劉靜菴先生

目次

弁言

凡例

文學社武昌首義紀實……………(一)

附錄

劉烈士復基事略(附照片)……………(七五)

彭烈士楚藩事略(附照片)……………(七六)

楊烈士洪勝事略……………(七〇)

文學社武昌首義紀實

甲午戰後返鄂之黎元洪 甲午（一八九四年）之役，日佔我台灣，清海軍艦隊司令丁汝昌死之。黎元洪充艦長，艦被擊沉，以善泅水得免，鬱鬱返鄂。鄂督張之洞器其才，以軍中教練予之。旋升馬隊管帶，後擴充馬隊為兩營，升黎督帶，繼又擴充為三營，洊升統帶。

清廷訓練新兵之開始 當時軍隊仍襲綠營之舊。其武器則弓箭戈矛及土造札火槍等類，兵士多老弱，習氣甚深。清廷鑒於甲午之敗，認為非整軍飭武，不足以圖存。乃於光緒乙未（一八九五年），命溫台處道袁世凱督練新軍。袁即於南北軍中挑選學識優長、精明強幹之官兵，集中小站，實施訓練。丁酉（一八九七年）清廷復命全國陸軍廢戈矛土槍，改用來復槍，習德國式操法。逐漸裁汰目不識丁之老弱，而補入粗通文字之壯士，並以學成營弁派充北軍教練。南軍教練則由自強軍派充。中國軍隊，始稍改觀，氣象一振，實為日後革命黨潛滋暗長之地。

湖北第一次革命組織 庚子（一九〇〇年）戰後，清廷銳意變法。各省學生或派遣或

自費留學東西洋，一時風起雲湧，不可遏抑，而以留日學生為最多。革命之說亦集中於是，所辦雜誌，如湖北學生界、浙江潮、江蘇等，言論均極激烈。湖北各學堂之學生為其感動，有覆清之志。光緒甲辰（一九〇四年）春，武漢志士劉靜菴、呂槐廷、朱元成、時功璧、劉熙卿、時功玖、何季達、胡瑛、歐陽瑞驊等常會集於武昌多寶寺街時宅，討論革命進行方略。

夏五月（六月），張難先與歐陽瑞驊、時功璧、許遠香、張品珊、傅楚材等商討，僉謂革命宜從鼓動軍隊入手。於是張難先、胡瑛先後投入第八鎮工兵營為兵，鼓動同伍，散發猛回頭、黃帝魂諸書以激勵之。旋組科學補習所於武昌多寶寺街，呂槐廷、朱元成、歐陽瑞驊、康建唐、劉熙卿、宋教仁、劉菊坡、歐陽振聲、劉靜菴、毛復旦、雷天壯、何季達、王怒濤、李勝美、陳從新、趙光華、陳教懋、時功璧、馮特民等數十人為最激烈之所員。黃興、張繼、吳祿貞、劉揆一、馬福一等組織華興會，設東文講習所於湖南。同志議決採一致行動，即派宋教仁回湘，商洽一切；呂槐廷、朱元成、劉靜菴、張難先擔任鼓動新軍；歐陽瑞驊、劉熙卿等在學堂宣傳；呂槐廷、何季達、康建唐往鄂西聯絡會黨。七月（八月），復移所址至魏家菴。十月（十一月），湖南華興會事被紳士王先謙偵悉，告密於巡撫陸元鼎，大索東文講習所，逮捕黨

人。且知湖北科學補習所亦爲革命團體，電鄂督張之洞查辦。幸黃興早將湘中破壞情形密電補習所，張難先、劉靜菴遂燒燬文件、冊籍，囑各同志走避。迨張之洞派軍警圍搜，其室已空。後逮房主嚴鞠，由其指出屠爲歐陽瑞驊所租。武昌知府梁鼎芬不願與大獄以重己過，向張之洞緩頰，僅除歐陽瑞驊、宋教仁學籍寢事。

湖北日知會之參加革命活動 科學補習所遭受破壞後未幾，黨人曹亞伯歸自日本，商之劉靜菴，圖再舉。劉避其說，遂謀於武昌聖公會會長胡蘭亭，邀馮特民、范銀槎、張漢傑、李亞東、陸費奎、辜天保等集議，以聖公會之日知會爲革命機關，藉避耳目而從事鼓吹革命。湖北軍學界參加者甚衆。

湖北新軍之成立 光緒乙巳正月（一九〇五年二月），清廷派鐵良檢閱軍隊，以湖北新軍爲最優，奏予嘉獎。又准鄂督張之洞奏，改湖北護軍營、武建營爲第八鎮及第二十一混成協；保張彪爲第八鎮統制，黎元洪升二十一混成協統領；創辦陸軍特別小學，訓練低級幹部人材。學生由各營兵士中考選，帶餉入校，名爲學兵。其不識字兵士多被淘汰，補招新兵。凡新入伍，須命題作論文一篇。有志之士，紛紛乘機投入陸軍，革命之勢力乃益以樹植。

日知會之挫折 日知會自乙巳春組成以來，兩易寒暑，成績昭著。至丙午十月十九日（一九〇六年十二月四日），湖南黨人王永求、陳亞龍初投湘軍四十九標學軍事，既成，出營就湘之瀏、醴，贛之萍鄉謀革命。發難於瀏陽之文家市，有衆數萬人，聲勢浩大。清廷命江南、湖北派兵圍擊，王永求、陳亞龍等均死之。孫中山聞訊，派胡瑛、梁鍾漢、朱元成回鄂響應。有沔陽郭瑤階者，因留日識胡瑛，偵知秘密，勒款不遂，乃報巡警道馮啓鈞。馮與外人交涉，封日知會，捕黨人胡瑛、朱元成、梁鍾漢、李亞東、殷子恆、吳貢三、季雨霖，並於沔陽仙桃鎮捕張難先，於黃陂捕劉靜菴，均下武昌獄中。時清廷懸賞緝拿長江會黨首領劉家運，郭瑤階冀冒賞，妄指劉靜菴爲家運。後家運被獲，置夏口獄，與殷子恆同監，始證明靜菴實非家運也。

軍隊同盟會之組織 自日知會失敗後，三易寒暑，湖北革命運動未有大規模之組織。有任重遠者，屢次投軍未遂，至戊申春二月（一九〇八年三月），投入四十一標三營前隊。適是時黃興舉義於欽州之馬篤山，聲勢洶洶，各地志士咸思響應而無從措手。任重遠頻與軍士郭撫宸、王子英、秦炳鈞、黃紳鄉、楊王鵬、鍾崎、彭新振、章裕昆等就李亞東於漢陽獄中商再舉。且鑒於日知會之失敗，組織更爲縝密。議成，定名爲軍隊同盟會。分途聯絡，

歷兩月餘，加入者達四百人。六月二十八日（七月二十六日），開成立大會於洪山羅公祠，秦炳鈞主席，宣布宗旨，衆均贊成；議及名義，多數人認爲不妥，反復辯論不能決，僉謂留候異日徐徐研討，遂散會。因任重遠赴蜀，乃告中輟。

羣治學社之成立 羣治學社者，卽起義時之文學社前身也。歷時四年，兩次頓挫。厥後改名文學社，始克成功。其人數幾佔湖北全軍十之七八，而死難者又爲本社人數十分之九強。惜乎一向湮沒不聞！戊申冬十月一日（十一月二十四日），湖北陸軍開往安徽之太湖，與江南陸軍會操，兩旬事竣。方待舉行閱兵典禮，清太后那拉氏及清帝載活告殂之電至，清吏對革命運動防範更密。各地同志謀之急，而鮮成功。未幾，熊成基舉事於皖，亦以失敗聞。楊王鵬、鍾畸、章裕昆等乃於太湖貓兒嶺宿營地左近荒塚間密商進行，謂良機坐失，今後當鑒前車而適來軫。有頃，奉營命用強行軍，於是晚子正回駐小池口（九江對岸）。越二日，附輪返鄂，到原駐地；卽夕，楊王鵬邀唐義支、郭撫宸、鄒毓琳、鍾畸、章裕昆討論團體名義，磋商至再，始定名爲羣治學社。外避目標，內策自治，擬製簡章，推鍾畸爲起草員，並以楊王鵬、鍾畸、郭撫宸、鄒毓琳、唐義支、鄒潤猷、張文選、莫定國、萬奇、章裕昆等十人爲發起人。宣言、簡章附列於次：

羣治學社宣言

英人常云：大陸上苟有一二英人足跡，則成爲第二英國。此非夸大之言也。豈盎格魯撒克遜人其天生之耶？亦曰研究學識而已。我中國四千年來，素號文明古國，然自孟軻而後，不得其傳焉；降而至今，積弱無能，任人欺侮，臺灣、朝鮮相繼沉淪。我同胞若非涼血動物，能不痛心？倘不急起直追，則危亡懸於眉睫！同人等有見及此，故發起組織羣治學社，研究學識，講求自治，促睡獅之猛醒，挽既倒之狂瀾。同胞同胞，時乎不再，盍興乎來！

羣治學社簡章

第一章 宗旨

本社以集合多數人知識，研究學問，提倡自治爲宗旨。

第二章 名稱

本社爲集合多數同志知識、研究學問、提倡自治起見，故定名爲羣治學社。

第三章 組織

本社設社長一人，於社員中選任之；文書二人、會計一人、庶務一人、評議員若干人，均由社員中推任之。

第四章 職責

社長管理本社一切事項；文書員專司本社一切文件、冊據保管事項；會計專管理本社捐款收入、支出、保管事項；庶務專司關於本社一切事務事項；評議員專負指導本社同志研究學問、促進自治之責。凡社員均有介紹新同志加入本社之義務，每月每人須介紹新同志二人以上加入本社。

第五章 經濟

本社社員須繳納入社金一元。社員月捐就各人所得薪餉十分之一充本社經費。

第六章 入 社

凡加入本社之同志，須得本社社員三人以上之介紹，經本社派員考查，確認爲與本社宗旨相合、願守本社一切規章者，方得爲本社社員。

第七章 附 則

本簡章如有未盡之處，得臨時修改之。

簡章印就後，鍾畸卽定期於金臺茶館成立大會。因茶館在武昌小東門外三里許，出沙子嶺，地較僻靜，行人稀少，討論事項，茶舍人衆難於瞭解，故通知十一月二十日（十二月十三日）於此開成立大會。屆時本社發起人楊王鵬、鍾畸、唐義支、郭撫宸、張文選、鄒潤猷、莫定國、鄒毓琳、章裕昆等均至。由鍾畸任主席，討論進行方法，當議決兩要案：

（一）本社暫設庶務一人，主持社務。其餘各職員俟本社範圍擴大到相當時期再定。並推定鍾畸同志爲本社庶務。

（二）本社同志介紹新同志入社時，不得介紹官佐，以防不虞。其餘照簡章行事。

議定後散會。遂分途實行聯絡工作焉。

羣治學社之進展 羣治學社自開成立會後，各發起人即盡力聯絡。未幾，四十一標姚鈞、廖湘芸、王守愚、蔡大輔、陸國其，三十一標李鑫、謝鵠臣諸同志均先後加入。內部既逐漸擴充，於各省亦應有所圖謀。適四十一標三營管帶曹進調升江蘇陸軍第二十三混成協四十六標統帶，羣治學社同志鍾畸、曹振武素為曹進所器重，隨其前往，同志均熱誠歡送。嗣後派鄒潤猷往安徽，鄧剛往奉天，楊王巽往上海，社內同志漸分佈他處矣。

往四十二標發展 四十二標祝制六，原名祝夢熊，初投三十一標二營左隊，與黃景賢等秘密聯絡同志鼓動革命。事為排長樊超羣偵知，密告管帶陳榮忠，當將祝、黃二人扣留。陳恐不利於己，僅禁閉四十日開除了案。祝化名制六，復投四十二標一營，駐漢陽龍燈堤，黃亦化名依僧，復投四十二標二營，繼續活動。己酉四月（一九〇九年五、六月）鄒毓琳函介章裕昆往晤祝，相見甚歡。祝歷述日知會失敗經過事實，章裕昆亦以羣治學社組織情形相告。祝聞之喜。章即白衆意擬以四十二標事相屬，祝諾。

低級軍官之入社 羣治學社發起人楊王鵬於己酉六月（七、八月）應下士團考試，取列第一，即拔升四十一標一營左隊司書生。與隊官潘康時甚相得，嚴密關防，藉以偵知一二。

一日，鵬於公餘閱浙江潮，爲潘所見。潘微笑問曰：「此書何來？」鵬曰：「借自友人。」潘於床頭出一本相示曰：「是亦焉用借爲？」鵬心佩之。伺間，袖羣治學社簡章示潘，潘閱，意甚踴之。初，羣治學社爲防微計，決議官長不得加入。自是，始破格准潘加入。因鍾畸赴蘇，社內庶務需人，適李六如投入該隊，協同工作，並入社，即令担任斯職。該隊遂爲羣治學社之機關部矣。

中樞機構之建立 己酉，湖北大水，天門、京山、潛江、監利、沔陽、公安、石首等縣被災，飢民麋集。清吏恐其暴動，冬十月（十一、十二月），令派四十一標分駐各災區安圖鎮懾。惟軍隊距離窳遠，社務進行當有中樞，潘康時建議以李六如留守省垣主持之。潘與楊王鵬分駐公安、石首；姚鈞、廖湘芸分駐監利、沔陽；蔡大輔、王守愚、章裕昆、彭新振分駐京山、天門、潛江；從事秘密活動。

羣治學社之掌握「商務報」漢口有羅某主辦商務報，將輟業，經由同盟會會員劉復基之兄星徵介紹詹大悲出資接收。議垂成，而羅某物故。既接收，宛思演出资二千元任總經理，詹大悲任總主筆，何海鳴任編輯，梅寶璣、查光佛均司筆政。何初名時俊，爲四十一標一營前隊副目（即伍長），習下士團學課，常作論文載武漢各報。旋出營，住武昌斗級營。

一小客棧，賈文爲生。至此，始與詹大悲等正式辦報。劉復基先於己酉春偕蔣翊武往滬襄辦競業旬報，並介紹翊武入同盟會。競業旬報停刊後，星澂函召復基回漢幫助，復基約翊武同來。復基任商務報會計兼發行。日出兩張，言論激烈，爲漢口報界革命之急先鋒。劉復基、蔣翊武到漢，知軍中有羣治學社，確爲革命團體，亟欲參加，以貫徹其主張，惜不易覓得途徑。時四十一標出防襄河一帶，劉、蔣等商議由二人與詹大悲以報館訪員名義往天門、潛江一帶探訪，實則旨在獲知羣治學社詳情。行抵潛江之張截港，得晤羣治學社同志蔡大輔，契分甚投。蔡罄所懷以告，並書函介紹與李六如接洽。詹等持介紹書返漢，過天門之黑流渡，乃蔣翊武銳志從軍，經黃貞元介紹，化名伯夔，投入四十一標三營左隊充兵士。詹、劉二人持函返漢，同赴四十一標見李六如，備述來意，並將商務報實在宗旨竭誠相告。詹、劉與李過從日密，商討革命運動甚詳。惟其時羣治學社正日益發展，而商務報經費則漸形支絀，幾至不能維持，李卽以社中積款撥充商務報資金。於是，商務報轉而爲羣治學社之機關喉舌矣。

李六如力謀羣治學社之發展 四十一標既駐防於外，李六如亟思擴大羣治學社之範圍，因鄉誼得識砲隊第八標黃駕白、李慕堯及三十二標陸軍特別學堂單道康、孫昌福、葉正

中等，同時介紹入社。砲隊八標、步隊三十二標、陸軍特別學堂等處均建立革命基礎，先後加入者踵相接，羣治學社勢力日見雄厚。

「商務報」之停刊 清廷借債築路之議，國人反對甚力。庚戌（一九一〇年）春，川省因爭路風潮激成民變。湘諮議局議員對川民深表同情，推派代表向清廷請願。適主張借債築路之楊度由湘入京，每壓抑代表。道出漢口，寓英租界既濟水電公司。劉復基聞之，白於同人及旅鄂紳商學各界，共謀懲楊，衆皆贊成。推劉復基、李六如、李鑫、龔霞初、劉毅夫、曹國助、何海鳴、陳家鼐等為代表，假湖南會館陽開歡迎湘諮議局代表大會，實則擬加楊以懲創。及期，劉復基、李六如等往既濟水電公司二樓晤楊，請蒞會。楊力辯不可，乃扭楊辮曳之出，不數十武，被既濟水電公司經理宋煒臣電告英捕房拘拿代表，羈留八小時。於是羣治學社之名為人偵知，幸組織嚴密，未受破壞。但商務報館則被清吏派遣偵探不斷監視與無端摧殘，不得已而停刊，湖北革命運動遭遇一大挫折。

羣治學社之中挫 庚戌（一九一〇年）湘飢。四月（五月），黨人鼓動飢民以閉糶事縱火焚撫署。清廷調鄂軍前往鎮壓，並調北洋軍來鄂助虐。黃紳蕪在鄂聯合羣治學社發動響應，得社員單道康、孫昌福等之介紹，與李六如往返磋商軍事計劃，杜邦俊亦與焉。議既

定，即派黃孝霖赴湘，林兆棟赴川，鄂邊境，分途聯絡；派孫昌福密運炸彈往四十一標。時北洋軍隊已達漢口，劉家廟，而黃等行動被清吏偵知，乃下令戒嚴，派憲警至南湖三十二標捕黃紳。黃踰垣而逸，秘密赴滬。黃孝霖、賀公俠走四川。風聲所播，羣治學社之名於焉益著。鄂督瑞澂遂飭軍中嚴密搜檢。幸李六如已先將該社文件、冊據密藏，未被搜獲。惟在嚴厲監視之下，工作進行大感困難，幾陷停頓狀態。四十一標三營彭新振隨隊駐防下畔湖（在潛江），日與飢民聯絡，鼓吹革命，又被排長黎照偵知，科以不守軍紀罪，開除軍籍。雖未株連他人，然已失却繼續在彼活動之可能。

振武學社之繼起 庚戌秋七月（八月），新穀既登，四十一標一律回防。李六如即召集會議，報告反對鐵路借債、準備響應湘變等經過，以及社務停頓之原因，僉認為避免暴露目標計，不能沿用羣治學社名義。黃駕白、單道康、廖湘芸、祝制六、楊王鵬、李慕堯、孫昌福、李鑫、李六如、章裕昆等復於四十一標一營左隊隊部開會，決議易名為振武學社。擴大組織，各標營均設代表。並推楊王鵬起草簡章。附列於次：

振武學社簡章

一 名 稱

本社專為聯絡軍界同袍、講求武學起見，故定名為振武學社。

二 組 織

本社設社長一人，由社員中選充；文書一人、會計一人、庶務一人、評議員若干人，均由社員中推任之。各標設標代表一人，由各標社員中推任之；各營設營代表一人，由各營社員中推任之；各隊設隊代表一人，由各隊社員中推任之。

三 職 責

社長管理本社一切事宜。文書專司本社文件、冊據保管事項。會計專司本社捐款收入、支出、保管事項。庶務專司關於本社一切行政事務事項。評議員負指導本社同志學問研究、撰擬問題、糾正錯誤之責。標代表督同全標同志研究學識，徵集本標社員捐款，彙送本社會計點收。營代表督同全營同志研究學識，徵集社員捐款，按月

送繳本標標代表點收。隊代表亦如之。凡本社社員有介紹新同志加入本社之責，每月每人應介紹二人以上加入本社。

四 經 濟

本社社員須繳入社金一元。社員每月應繳納月捐薪餉十分之一充本社經費，按月放餉後五日內，由標代表彙送本社會計點收，存放銀行。開會時，會計須報告賬目，并銀行存摺帶會驗明，以示公開。

五 入 社

凡願加入本社者，須得本社社員三人以上之介紹，經本社派員考查，確認為與本社宗旨相合、願遵守本社一切規章者，方得為本社社員。

六 附 則

本簡章如有未盡之處，得臨時更改之。

楊王鵬將簡章印就，八月秋節（九月十八日）在黃土坡開一天酒館舉行成立大會。到會者有單道康、孫昌福、李慕堯、黃鵠白、祝制六、廖湘芸、李鑫、楊王鵬、李六如、章裕昆等。由楊王鵬主席，宣讀簡章。共推楊為社長，李六如任庶務兼文書，各標、營、隊代表由所屬選定函報本社。次議及以後只開標代表會議，如標代表因事不能到會時，得派營代表一人出席。此振武學社初成立之情形也。

潘康時之撤職 羣治學社自改組為振武學社後，工作進行極為順利。一日，黎元洪傳潘康時至協司令部，謂：「汝隊有人組織會黨，汝胡置不問？」潘答：「有程度稍優之士兵若干人，常集合研究學術，無所謂組織，更無所謂會黨。」黎怒曰：「現查革命黨盡係如此，汝不嚴禁，反從而庇護之。」潘曰：「統領既不以爲然，以後即禁止在一處研究。」如此委曲求全，黎仍大怒不已。潘默默而退，遂被撤職，乃東渡留學。遺缺由黎委施化龍補充。

振武學社第一次代表大會 各標代表既選定，於重九日（十月十一日）在黃鶴樓之風度樓（今奧略樓）開代表大會。到會者：三十一標代表江光國，三十二標代表單道康，砲隊八標代表李慕堯，四十一標代表廖湘芸，四十二標代表祝制六，及楊王鵬、李六如、黃鵠白、孫昌福、章裕昆等，由楊王鵬任主席。首由各代表報告徵集新社員人數，總計二百四十餘

人。次議擴充社務，凡各同志每月每人必須介紹新同志一人入社，但不得濫收。再議經費依照原案徵月捐，屆放餉時由各代表取齊交社。

黎元洪對振武學社之迫害 施化龍到差，對楊王鵬極注意。偽作謙和，復揀兵中最馴服者，引為心腹充密探。不及三月，刺得其情，密告黎，誣稱：「楊王鵬秘密結社，圖謀不軌。」黎據報，謂：「此事萬不可聲張，恐大帥聞之，更難處理。」即將楊王鵬撤差，李六如及四十一標一營前隊正目即振武學社一營營代表鍾倬賓重責開除，四十一標二營營部司書鄭士杰亦撤差。楊王鵬、李六如出營後潛居開馬廠文昌閣，將社務交蔣翊武主持。李六如經手之文書兼庶務工作，交鄒毓琳接管。楊王鵬、鍾倬賓去湘，李六如走粵，時庚戌十月（一九一〇年十一月）也。各標營同志聞悉此事，無不憤激異常，精神益奮，均謂楊、李、鍾三同志之迫走，為振武學社之一大損失，但失敗乃成功之母，吾人頭尙未斷，只有繼續前進，決不可因之氣餒。各標營代表趨問蔣翊武，翊武曰：「此時風聲仍緊，望各同志忍耐，不可輕躁，否則徒壞事，無益也。」衆聽其言。

「大江報」之創立 庚戌十一月（十二月），詹大悲、何海鳴創辦大江報於漢口歆生路。詹任經理兼總主筆，何副之。初，黃岡有胡為霖出銀五百兩邀詹、何及梅寶璣創大江白話

報，以胡爲經理，詹、何任正副主筆。日出一小張。未幾，英國水兵毆斃漢口車夫吳一狗，羣情憤慨，大江白話報亦盡力攻擊英水兵，英領極表不滿。旋胡爲其父召歸，詹大悲另籌三千元自任經理。去「白話」二字繼續出版，是爲大江報。日出兩大張。胡瑛、居正、田桐、黃侃均撰文披露報端，聲勢復振。

文學社之籌建 振武學社經施化龍破壞，停頓兩月餘，風潮略靜。各標同志力促恢復，時已季冬，蔣翊武約詹大悲、劉復基、章裕昆等會於閩馬廠集賢酒館，討論名稱及進行策略。詹主改爲文學社，從之。推詹起草簡章，附列如次：

文學社簡章

一 名 稱

本社以聯合同志研究文學，故名曰文學社。

二 組 織

本社設社長一人、副社長一人、文書部長一人、評議部長一人，均由社員推舉之。

(甲)文書部：(一)文書四人。

(二)會計一人。

(三)庶務一人。

(乙)評議部：(一)評議員若干人。

(二)糾察員若干人。

三 職 責

社長管理本社一切事項，督同社員發展本社社務。副社長協助社長發展社務，如社長有故他往時，副社長得代行社長職權。文書部長管理本社一切文件、冊籍保管事項，會計、庶務等屬之。評議部長專司指導本社社員研究學識，糾正錯誤。文書協助文書部長辦理本社一切文件，保管冊籍等事項。會計專司本社捐款收入、支出、保管事項。庶務專司關於本社一切事務事項。評議員協同評議部長專司指導本社社員研究學識之責。糾察員專司聯絡本社社員感情及糾正社員錯誤。標代表管理全標一切進行事宜。營、隊代表亦如之。

四 經 濟

本社社員繳入社金一元，每月按月薪繳納月捐十分之一。各隊由隊代表收集，於放餉二日內送交營代表；營代表於放餉三日內收集送交標代表；標代表五日內集全標捐款送本社會計點收，存放銀行。開會時，會計須將簿摺交會審查。

五 入 社

凡願爲本社社員者，須得本社社員三人以上之介紹，經本社派員調查，認爲與本社宗旨相合者，方得爲本社社員。

六 附 則

本簡章如有未盡之處，得隨時更改之。

詹大悲製訂簡章交大江報館印就，由蔣翊武通知原有各標代表，定期開成立大會。

文學社成立大會 辛亥年元旦（一九一一年一月三十日），開文學社成立大會於黃鶴

樓之風度樓。時三十一標代表江光國，三十二標代表單道康，砲隊八標代表李慕堯，四十一標代表廖湘芸，四十二標代表祝制六，及蔣翊武、詹大悲、孫昌福、劉復基、章裕昆、鄒毓琳等先後到齊。蔣翊武任主席，報告改名爲文學社之意義並宣佈簡章，均無異議。旋蔣提議選社長、部長及代表、職員，章裕昆動議此時暫不設副社長，俟範圍擴大至相當時期，再行增設，又各標代表無須改選，衆贊成。遂推蔣翊武爲文學社正社長，詹大悲爲文書部長，劉復基爲評議部長，蔡大輔、王守愚爲文書員，鄒毓琳爲會計兼庶務。再論進行方針，均以擴大範圍爲要，號召同志盡力介紹新同志入社。嗣後即照所議執行，社務遂有突飛猛進之勢。三十標之王憲章、張鵬程、鍾仲衡、排長張廷輔，二十九標排長蔡濟民及張喆夫、李達武、陳偉、李濟臣、馬驥雲等，四十一標闕龍、李必勝、楊再雄、柳迪凡、梁棟、顧鴻、胡培才、王世龍、蕭國斌、鄒棟等，第八鎮工程第八營馬榮等，二十一混成協砲隊十一營晏柏青、符玉龍等，輜重十一營余鳳齋，憲兵營彭楚藩等，三十一標萬鴻階等均先後入社。張喆夫爲二十九標代表，張鵬程爲三十標代表，馬榮爲工程第八營代表，余鳳齋爲二十一混成協砲工輜總代表兼輜重十一營代表，晏柏青爲砲隊十一營代表，闕龍爲四十一標三營代表。時胡瑛在獄，蔣翊武輒往問策。故文學社之成功，胡贊助之力實多。

文學社第一次代表大會 文學社成立僅月餘，而聲勢幾達湖北全軍。其進展之速，初非意料所及。辛亥二月十五日（一九二一年三月十五日），照章召集代表開常會於黃土坡招鶴酒樓。屆時二十九標代表張喆夫，三十標代表張鵬程，三十一標代表江光國，三十二標代表單道康，砲隊八標代表李慕堯，四十一標代表廖湘芸，四十二標代表祝制六，工程第八營代表馬榮，憲兵營代表彭楚藩，二十一混成協砲工輜總代表余鳳齋，及蔣翊武、詹大悲、劉復基、王憲章、鄒毓琳、章裕昆等先後蒞會。蔣翊武任主席，提議推王憲章爲本社副社長，衆贊成。蓋三十標多旗人，非精明強幹者難以控制。王爲三十標正目（卽什長），極有才，足勝任。時湖北全軍無不有本社同志，惟馬隊八標尙付闕如，卽提出應設法聯絡。均主推負責同志前往入伍，決議推章裕昆前往。又提議社員採訪之新聞及其言論務請大江報盡量登載，各營隊送義務報一份，以供同志閱覽。詹大悲允之。當時由各代表開出負責收報同志姓名，按址分送。繼由章裕昆動議，取消社員月捐及入社捐，因社內經費如由各職員月捐照常繳納，已足維持。劉復基獨出反對。裕昆云：「各標營士兵月入最多者銀四兩八錢，最少者三兩九錢，除伙食費用外，尙虞不敷，且有家庭負擔，無力再付此項捐款。有許多熱心同志，亦因此而裹足不前，妨礙本社進展甚大。反復辯論，衆卒贊成。嗣後各

營同志入社者，更形踴躍。重以大江報盡力鼓吹，對不法軍官攻擊尤力。凡軍官對待士兵有不公平事件，大江報輒揭槩之。軍官畏若鷹鷂。未幾，二十九標統帶李襄鄰尅扣軍餉，大江報大書特書，卒致革職查辦。斯時大江報之權威殆無出其右者。

文學社在馬隊八標之發展 章裕昆遵文學社決議，由陳孝芬介紹往馬隊第八標三營左隊入伍。隊官錢葆青見爲陳孝芬介紹，甚器重之。蓋錢爲日知會舊同志，對裕昆不加拘束。未幾裕昆得識熊楚斌。熊爲陸軍特別小學學兵，頗具革命思想，與裕昆談甚歡，過從日密，交誼漸厚。裕昆試以組織團體勸之，熊深贊成。初猶不敢遽以文學社告，惟約另組同文學社，熊卽介紹黃維漢、韓超驥、劉治一、蕭志和、劉建一、黎瀛洲、張奇烈、范天印、晏國斌、沈翼世、邱瑞超、廖化東、黃冠羣、文東明、華斌愷、陳勵志、顧忠偉、王瑞蘭、楊國勛、張威等相見，俱極熱心，且謂欲圖擴充，非馬隊所能獨奏厥功。裕昆爰舉文學社事盡情語之，喜甚。旬日之間，已得同志四十餘人。一日，劉復甚至馬隊，裕昆介紹晤各同志，談次，以各營實況傾吐無餘，並言及今後進行方略，各同志均敬服。

秘密聯絡員之設立 文學社範圍既大，卽爲人所注視。自辛亥三月二十九日（一九一一年四月二十七日），廣州有黃花崗諸烈士之大舉，各省疆吏防閑益嚴，致常會亦不能召

集。劉復基慮失聯絡，決計出營，居閱馬廠文昌閣，逐日輪流往各標營相問訊，諸同志得以明瞭近日狀況，精神愈奮，團結愈堅，力量日見充實。劉復基之努力，收穫洵不小也。

文學社機關部之設立 文學社前以範圍尙小，無特設機關之必要；茲應時勢需求，非設機關辦公，不足處理一切事務。適有新加入之社員三十標排長張廷輔，遷居小朝街八十五號，尙餘空屋。王憲章因商張分租，擬作機關。迨廣州風潮息，遂在黃土坡同興酒樓召開代表會議。是日，除原有各員到會外，復加馬隊八標黃維漢。劉復基任主席，報告社務進行狀況畢，即提議設立機關部及擇定地址。王憲章語以與張接洽情形，決議在小朝街八十五號設立機關，推劉復基住社辦公，並增設總務部，推張廷輔任部長。時辛亥四月十二日（一九二一年五月十日）也。

文學社與共進會之籌商合作 辛亥四月十三日（一九二一年五月十一日），文學社幹部劉復基、王守愚等與共進會代表楊玉如、楊時傑、李春萱在長湖堤龔霞初寓商聯絡之策。楊玉如謂孫武有款甚鉅，擬撥付文學社充補助費，楊時傑請改推孫武爲領袖。文學社同人均反對。劉復基謂文學社決不受補助費，但孫武如有所計劃，任可能範圍內當竭誠接受，彼此不得猜嫌，互肆破壞，衆皆謂然。